

Maiatzaren Lehena

ELA, LAB, ESK, EILAS, HIRU eta EHNEren deialdia

NAFARROAKO HIRIBURUKO PROTESTA ETA OSPAKIZUNEN LELOA '35 ORDUAK ETA SOLDATA SOZIALA' IZANEN DA

Iruñeko mobilizazioa «greba bultzatuko duen oihu matxino ozena izango da»

■ Maiatzaren Lehenean, Iruñean manifestaldia egingen dute 12:00etan, herri bazkaria 14:00etan eta ekitaldi politikoa 17:00etan

■ Diezen aburuz, Iruñeko ekitaldiek patronalaren jarrera «probokatzailerari» erantzuteko aukera emanen dute

■ Elorrietaren iritziz, Eusko Jaurlaritza oker dabil maiatzaren 21eko greba deialdia gehiegizkoa dela dioelarik

Juan Kruz Lakasta / Iruñea

ELA, LAB, ESK, EHNE, EILAS eta HIRU sindikatuak ekitaldi bateratuen bitartez ospatuko dute aurten Maiatzaren Lehena, Iruñean. Ospakizunen leloa 35 orduak eta soldata soziala izanen da. Sindikatuok ekitaldiok aurkezteko prentsaurrekoa egin zuten atzo Nafarroako hiriburuan. Iragarri zutenez, eguerdiko 12:00etan manifestaldia egingen dute, Golem zinematokietatik abiatuta. Eguerdian herri bazkaria izanen da, Yanguas y Miranda kalean paratuko duten karpan. Toki berean, arratsaldeko 17:00etan ekitaldi politikoa egingen dute, eta indar politiko, sindikal eta sozialetako hainbat ordezkari hartuko dute parte.

«Patronalaren jarrera probokatzaileria da»

LABeko idazkari nagusi Rafa Diezek atzoko agerraldian azaldu zuenez, arestian aipatu sindikatuok maiatzaren 21erako deitu greba orokorrarekin lotu behar da aurtengo Maiatzaren Lehena: «Euskal Herria bizitzten ari den udaberri gorrian, Maiatzaren Leheneko ospakizunak historikoak izanen dira, eta maiatzaren 21eko greba historikoa bultzatuko dute».

Ildo beretik, Diezek gogor kritikatu zuen patronala. «Gure aldarrikapenen aurrean, bereari gogor eusten ari da, jarrera arduragabea eta probokatzaileria erakutsiz: ekonomia hazten ari delarik, etekin marka guztiak hausten ari dira, enplegua sortzeko inolako kon-

RAFA DIEZ

■ ■ ■ «Euskal Herria bizitzten ari den udaberri gorrian, Maiatzaren Leheneko historikoa izango da»

JOSE ELORRIETA

■ ■ ■ «Greba guztiz demokratikoa da eta seriotasunez erabiltzen dugu»

«Eusko Jaurlaritza oker dabil»

Diezek bezala, ELAko idazkari nagusi Joxe Elorrietak maiatzaren 21eko grebarekin lotu zituen Maiatzaren Leheneko ospakizunak. Jakina



JOSE LACALLE

EHNE, ELA, LAB, ESK, EILAS eta HIRU sindikatuak ordezkariak, Maiatzaren Leheneko ospakizunen aurkezpenan.

promisorik gabe». Haren aburuz, Maiatzaren Lehena jarrera horri erantzuteko parada «ezin hobea» izanen da. «Iruñeko mobilizazioak Hegoaldeko 180.000 langabetuen matxinada oihua izanen da, eta oihuak greba bultzatuko du».

denez, Eusko Jaurlaritzat «gehiagizkotzat» jo du 35 orduen eta soldata sozialaren alde greba orokorrera deitzea. Elorrietaren aburuz, «edo ez dauzka eduki beharko litzuzkeen datu guztiak, edo nahita datuen analisi okerra egiten

du». Nabarmendu zuen euskal sindikatuak bi urtez aritu direla aldarrikapenak beste-lako mobilizazioen bitartez plazaratzen, greba deialdia egin aurretik. «Greba bitarteko guztiz demokratikoa da, eta ez dugu egunero erabil-

tzen, eta erabiltzen dugunean seriotasun osoz egiten dugu». Bestalde, Diezen ustez, «ongi dago greba deialdiaren eraginez indar politiko eta sindikal guztiek argi uztea zer jarrera duten gure aldarrikapenen inguruan».

«Nafarroako ituna iruzurra da»

■ ELA-KO idazkari nagusi Joxe Elorrietak atzoko agerraldian salatu zuenez, «iruzurra da Nafarroan patronalak, UGT-CCOOK eta Gobernuak 35 orduak ezartzeko lortu akordioa». Jakina denez, Foru Erkidegoko UGT-CCOOK ez du te bat egingen ELA-LABek maiatzaren

21erako 35 orduen eta soldata sozialaren alde deitu greba orokorrarekin. Erabaki hori azaltzeko tenorean, UGT-CCOOK Nafarroak dagoeneko 35 orduak ezartzeko aipatu akordioa duela argudiatu dute. Elorrietaren arabera, «akordio horretan ez dago enpleguaren

banaketa bultzatzeko neurri bakar bat ere». Haren aburuz, «hitzarmen horren xede bakarra da hiru talderen artean banatzea Administrazioak formakuntza ikastaroak antolatzeko ematen duen dirua». Nolanahi ere, Elorrietaren iduriko, «larriena zera da, hitzarmen hori

lortu eta sinatzaileek amaitutzat eman dutela enpleguaren banaketaren inguruko eztabaida publikoa».

Elorrieta ELAko idazkari nagusiak kritikatu egin du «Nafarroan gehiengo sindikala osatzen duten UGTk eta CCOOK eztabaida burututzat ematea».